

SCRIPT OF EVENING GOJRI NEWS BULLETIN 13OCT 1700 HRS

ایونینگ گو جری نیوز بلیٹن مورخہ 13 اکتوبر 2025

یوہ آکا شوانی جموں ہے محمد اشفاق تے نصرت چوہدری تیں خبر سُنو۔

HEADLINES

۱۔ بھارتی چناؤ کمیشن نے اج نگر وٹہ تے بڈگام اسمبلی حلقاں مانہہ ضمنی انتخابات گو اعلان کردتو ہے۔

۲۔ راجیہ سبھا انتخابات واسطے بی جے پی تے این سی گا امیدواراں نے اج کاغزات نامزدگی پیش کیا ہیں تے این سی اس ضمن مانہہ چار ہی نشستیں ور انتخابات لڑے گو۔

۳۔ بھار تگو سب تیں برو سکول بیکاتھان اج وکست بھارت بلڈاتھان 2025 نانہہ منعقد کرارہیو ہے۔

۴۔ محکمہ موسمیات نے اج موسم عام طور ور خشک رہن غی پیشن گوئی کی ہے تے آن آا تہاڑاں مانہہ درجہ حرارت اندر بابدو ہون گا امکان ہیں۔

NOTIFICATION ISSUED

الیکشن کمیشن نے اج جموں کشمیر گا بڈگام تے نگر وٹی اسمبلی حلقاں مانہہ ضمنی انتخابات گو اعلان کردتو ہے واضع رہے اس سلسلہ مانہہ پولنگ 11 نومبر نانہہ ویں گاتے ووٹاں گی گنتری 14 نومبر نانہہ کی ہے گی یوہ وی واضع رہے ہے کاغزات نامزدگی پیش کرن گی آخری تاریخ 20 اکتوبر نانہہ وے گی جانچ پڑتال 22 اکتوبر نانہہ ویں غا تے کاغزات نامزدگی واپس لین گی آخری تاریخ 24 اکتوبر تک رے گی یاد رہے ہے نگر وٹہ اسمبلی حلقاں سیٹ بی جے پی گا ایم ایل اے دیوندر سنگ رانا گا انتقال توں بعد خالی ہوئی تھی۔ جد کہ وزیر اعلیٰ عمر عبداللہ نے گاندربل اسمبلی حلقا نانہہ برقرار رکھتا وائ بڈگام اسمبلی حلقہ نانہہ خالی چھوڑ دتو تھو۔

RS NOMINATION

آئیندہ راجیہ سبھا انتخابات خاطر بی جے پی تے نیشنل کانفرنس گا امیدواراں نے اپنا کاغزات نامزدگی داخل کیا ہیں۔ بی جے پی امیدواراں بچوں ست شرما راکیش مہاجن تے اسمبلی کمپلیکس سرینگر بچوں ڈاکٹر علی محمد میر نے کاغزات نامزدگی پیش کیا ہیں اس موقع ور ڈاکٹر جتندر سنگھ کاغزات نامزدگی گے وقت آت موجود تھا میڈیا سنگ خطاب کرتا وائ انہاں نے کہیو ہے بھارتیہ جنتا پارٹی نانہہ یقین ہے جے اس گا 3 امیدوار راجیہ سبھا انتخابات مانہہ کامیاب ویں گا نامہ نگاراں سنگ گل کرتا وائ انہاں نے اس طرح کہیوتے اس زمن مانہہ نیشنل کانفرنس گا امیدواراں بچوں چوہدری محمد رمضان شمسی اوبرائے تے سجاد کچلو نے اج اپنا کاغزات نامزدگی پیش کیا ہیں قابل ذکر ہے جے راجیہ سبھا کی چار نشستیں واسطے 24 اکتوبر نال کرایا جین گا الیکشن کمیشن کی طرفوں اس زمن مانہہ 3 بکھ بکھ نوٹفیکیشن جاری کیا گیا ہیں اس دوران میڈیا سنگ خطاب کرتا وائ نیشنل کانفرنس گا سنئیر رہنما تے ڈپٹی چیف منسٹر سریندر چوہدری نے اس طرح کہیو۔

JITENDRA SINGH IMD

مرکزی وزیر ڈاکٹر جتندر سنگھ نے نوی دہلی ماہہ بھارتی محکمہ موسمیاتی غا صدر دفتر ماہہ مختلف قدرتی آفات گی پیشگی وارننگ دین آلا نظام تے موسم گرام گو ماعینو کیو انہاں نے محکمہ موسمیات غی تعریف کی اس نے خود انحصاری ٹیکنالوجی ور مبنی پیشنگونی نظام غے ذریعے 250 کروڑ روپیہ غی بچٹ کی تے غیر ملکی کمپنیاں ور انحصار ختم کیو۔ وزیر موصوف نے ای گورننس تے صفائی مہم ماہہ محکمہ گا کم غی تعریف کی تے کہیو کہ یوہ مستقبل ماہہ پیشنگونی ماہہ مصنوعی ذہانت گو اہم کردار وے غو۔ اس تیں پہلاں انہاں نے خصوصی صفائی پروگرام 5.0 ماہہ شرکت کی تے صفائی ماہہ نمایاں کردار ادا کرن آلا 50 صفائی متراز ناہہ اعزاز سنگ نوازیو۔

DC KISHT DIWALI PREP

دیوالی گا تہوار ناہہ بہتر طریقہ کار سنگ منان خاطر اج ضلع انتظامیہ کشتواڑ نے ضلع ترقیاتی کمشنر کشتواڑ نے ضلع ترقیاتی کمشنر پنکج کمار شرما گی صدارت ماہہ نواں ڈی سی آفس کمپلیکس کشتواڑ ماہہ ایک میٹنگ گو انعقاد کیو یاد ر جے دیوالی 2025 گو یوہ تہوار 20 تے 21 اکتوبر غے دوران منایو جے گو اس موقع ور ضلع ترقیاتی کمشنر کشتواڑ نے عوام ناہہ مبارک باد پیش کی بے انہاں نے متعلقہ افسران ناہہ ہدایت جاری کی جے اس تہوار ناہہ بہتر طریقہ کار سنگ منان خاطر تمام ضروری انتظام کیا جیں۔

LEGAL AID AWARENESS

سرکاری ڈگری کالج کشتواڑ نے اج بزرگ شہریاں واسطے قانونی امداد تے تحفظ گا موضوع ور ایک روزہ بیداری تقریب انعقاد کی اس موقع ور پروفیسر بشارت اقبال پرنسپل سرکاری ڈگری کالج کشتواڑ ڈاکٹر تبسم سلیم تے ڈاکٹر یاسر احمد ات موجود تھا جن گی رہنمائی ماہہ یاہ تقریب منعقد کرائی گئی اس تقریب گو آغاز 5 واں سمسٹر گی طلبہ سیکل گا اسقبالیہ خطاب سنگ کیو گیو اس پروگرام گو مقصد بھارت گا بزرگ شہریاں واسطے دستیاب قانونی حقوق تحفظات تے امداد و بہبود گی فراہمی بارے آفہ کرنو تھو۔

VIKSIT BHARAT BUILDATHON

بھارت گو سب تیں بڑو سکول بیکاتھون بلڈاٹھان 2025 اج سویرے 10 بجے تیں رات 11 بجے توڑی منعقد ہو رہیو بے یوہ پروگرام وزارت تعلیم غی طرفوں اٹل جوتی مشن تے نیتی آیوگ گا اشتراق سنگ منعقد کیو جارہی و بے یاہ تقریب چھٹی تیں بارہویں جماعت غا طلباء ناہہ مدعو کرے تانجے وے آتم نربہر بھارت سوادیشی ووکل فار لوکل تے سمردھ بھارت جیسا موضوعات ب ور اپنی اختراعی صلاحیت پیش کرسکیں اس پروگرام غو مقصد سکول سطحور تخلیقی سوچ تے مسئلہ حل کرن غی صلاحیت ناہہ فروغ دینو بے اس تقریب ماہہ 1 کروڑ ایوارڈ پول لاؤ چلايو جے غو۔ اس پروگرام

ور برائے راست schoolinnovationmarathon.org سے vbb.mic.gov.in نانہہ
نشر کیو جا رہیو ہے۔

H-POD KIOSK

راجوری ضلع گا مانجا کوٹ مانہہ دیہی صحت تربیتی مرکز نے اج حفاظتی صحت
غا شعبہ مانہہ ایک اہم قدم چایو جت جدید ایچ پاڈ صحت غی جانچ غ امرکز غو
افتتاح کی وگیو اس منصوبہ غو مقصد دیہی عوام واسطے مکمل صحت غی جانچ
نانہہ آسان بنانو ہے اس سہولت گو افتتاح ممبر اسمبلی تھانہ منڈی مظفر اقبال خان
نے کیو۔ ایچ پاڈ ایک جدید اعزاز یافتہ تے کلینکلی طورور تصدیق شدہ صحت غی
جانچ بارے مشین ہے جہڑی کل 44 صحت غا معیار چیک کرے۔ جس مانہہ غیر حملہ
آور تے حملہ آور دوائے قسم غا ٹیسٹ شامل ہیں اس موقع ور گل کرتا واں ممبر
اسمبلی جناب خان نے طبی کالج کی کوششاں کی تعریف کرتا واں اس طرح کہیو۔

RAMBAN PMMVY

ضلع رام بن مانہہ کواتین انہہ پردہان منتری مترو وندنا یوجنہ سکیم تیں فائدہ
حاصل ہو رہیو ہے یاہ مرکزی حکومت غی سکیم ہے جس گو مقصد ماں تے بچان
غی صحت نانہہ بہتر بنانو ہے اس غے تحت حاملہ تے دودھ پلان آلی خواتین نانہہ
پہلا بچہ واسطے 6 ہزار روپنیہ توڑی غی مالی مدد دتی ہے جس مانہہ جننی
سورکشا یوجنہ گا فائدہ وی شامل ہیں یاہ رقم آنگن واڑی مراکز غے ذریعے دتی ہے
تانجے حمل تے پیدائیش تیں بعد خواتین ناہ بہتر غزائیت تے نگہداشت مل
سکے۔ اندراج واسطے آدھار کارڈ حمل گو سرٹفکیٹ تے بینککھاتا غی تفصیل ضروری
ہے حکام نے اہل خواتین تیں اپیل کی ہے کہ اس سکیم مانہہ شامل ہو غے صحت
مند مستقبل غو فائدو چائیں۔

TRAFFIC

اج جموں سرینگر قومی شاہراہ ور صرف ایک طرفہ آمدرفت غی اجازت دتی گئی
ٹریفک حکام غے مطابق اج صرف ہلکی گڈیاں نانہہ جموں تیں سرینگر در جان غی
اجازت دتی گئی۔ نگر وٹہ تیں سویرے 7 بجے تیں لے غے 11 بجے توڑی گڈیاں نانہہ
جان غی اجزت دتی گئی۔ تے سرینگر تیں جموں در اج گڈیاں غی آمدرفت بند رہی۔

WEATHER

مقامی محکمہ موسمیات نے اج موسمی اطلاع جاری کی جس غے مطابق آئندہ دنان
مانہہ زیادہ تر موسم خشک رہن گا امکان ہیں۔ آکاشوانی جموں گا نمائندہ غے مطابق
اج تیں 18 اکتوبر توڑی پورا جموں کشمیر مانہہ موسم خشک رے غو 19 تے 20 اکتوبر
نانہہ تہاڑی غے وقت کجھ علاقان مانہہ موسم ابرآلود ہوسکے تے 21 تیں 23 اکتوبر
توڑی موسم خشک رہے گو۔ کسانان نانہہ مشورو دتو گیو ہے کہ اپنی معاملوں غی زرعی
سرگرمی جاری رکھیں اگلا ہفتہ غے دوران درجہ حرارت مانہہ 1 تیں 3 ڈگری سلسیش
توڑی اضافو ہوسکے۔
